

# كل كلام الاغانى

الطبعة

2



شعر غنائى



د. نهاد إبراهيم



دار العلوم للنشر والتوزيع



شعر غنائی

# کل کلام الأغانی

الطبعة الثانية

د. نهاد إبراهيم

٢٠١٨

دار  
المنشور  
للنشر والتوزيع



كل كلام الأغاني

المؤلف : د. نهاد إبراهيم

الطبعة الثانية : يناير ٢٠١٨

التنسيق الداخلي : رفعت حسن سيد

دار العلوم للنشر والتوزيع

ص . ب : ٢٠٢ محمد فريد ١١٥١٨

هاتف : ٠١١٤٤٧٦٤٠٠٠

الموقع الإلكتروني : [www.dareloloom.com](http://www.dareloloom.com)

البريد الإلكتروني : [daralaloom@hotmail.com](mailto:daralaloom@hotmail.com)

[Facebook.com/dareloloom](https://www.facebook.com/dareloloom)

Twiter : @dareloloom

جميع الحقوق محفوظة

رقم الإيداع : ٢٠١٧ / ٢٨٧٣٦

الترقيم الدولي : ٩٧٨-٩٧٧-٣٨٠-٥٣٧-١

دار  
العلوم  
للنشر والتوزيع

إن الآراء الواردة في هذا الكتاب لا تعبر بالضرورة عن رأى دار العلوم للنشر والتوزيع .

يمنع نسخ أو استعمال أي جزء من هذا الكتاب بأية وسيلة تصويرية أو إلكترونية أو ميكانيكية بما فيه التسجيل الفوتوغرافي والتسجيل على أشرطة أو أقراص مقروءة أو بأية وسيلة نشر أخرى بما فيها حفظ المعلومات، واسترجاعها من دون إذن خطي من الناشر



إلى  
صديقتي الوحيدة؟

هي  
عارفه  
نفسها!



## كلمة


### أعترف أنني كائن كسول جدا بشكل وحش..

لكننى صديقة وفية لأصدقائى الأوفياء ولكلمات شعري الطيّبه، وهى التى تلح علىّ فى الخروج إلى الحياة منذ سنوات طويلة.. تقترب من نصف عمرى الطويل القصير.

لم تيأس أشعارى من طرق الباب داخلى بعنف بكافة الوسائل المهذبة وغير ال..، حتى أوشكت فى النهاية أن تهدم المعبد بأبوابه الأمامية والخلفية بتوحش مخيف فوق رأسى المسالم. وبعد تهديد سافر وأخير بالانفجار والقيام بعملية انتحارية تلوّح بالفراق الأبدى، نجحت مساعيها وحررت نفسها بنفسها من وراء أسوار سطور أوراقى المتراسة بهدوء وتكاسل بالعدوى فى منزلى وحيدة لا يعرفها أحد إلا قلة قليلة للغاية، بما فيهم مؤلفة هذه الأشعار نفسها.

يوما ما سألتنى أصدقائى.. إلى متى هذا السكون الطويل ولماذا؟!.. خذلتنى كلماتى فى الإجابة.. لحظتها أدركت أن تهديدات قصائدى فى هجرى إلى الأبد جادة بالفعل. فأطلقت سراحها من أجلها وكنوع من الشكر لأصدقائى الحقيقين، الذين تحمّلوا كسلى الإبداعى القاتل بصبر أيوب الجميل، ولهم الجنة ألف مليون مرّة وإليهم القطرة الخامسة كلاكيت تانى مرّة!!







## نفس الشارع

فاكر لما قابلتك تانى  
لما وقفنا ف نفس اللحظة  
ف نفس الحتة ف نفس الشارع  
ساعة روحى ما حسنت روحك  
ساعة عينى ما ندهت عينك  
والكون كله صحى الفرحة ف قلبه الواسع

وقفت كتير سكت كتير  
لمسة إيدك ليها تمام نفس التأثير  
حاولت أفوت وإلف وادور لكن مش نافع  
أخبي ازاي واقول ازاي  
برج دماغى خلاص هيشت معاك ويطير  
لو يسيبوني أفضل واقفة لآخر عمرى ماعنديش مانع

عندى كلام كان من زمان  
شايلاه ف قلبى ولا كان ممكن أبداً اقوله  
أنا من غيرك دنيتى باردة من غير دافع  
لكن دلوقتى هملك وقتى  
هشطب كل تاريخى ما قبلك بس هخلّى  
نفس اللحظة ف نفس الحتة ف نفس الشارع



## ساعة رضا

من بين كل الوشوش  
مالقتشى غيرك انت  
صادق من غير رتوش  
كان لازم احبك انت

قلبك من جوا أبيض  
مليان حب وحاجات  
بيحب مهما يتعب  
ويسامح من سكات

معقولة فيه النهاردة  
حبيب يا ناس كدا  
يا سلام ع الدنيا لما  
تضحك ساعة رضا



## إِلا الكذب

آيوة بحبك أوى يا حبيبى  
لكن كله إِلا الكذب  
هادى حنين بس خسارة  
ما بتعرفش تقول الصدق

حواديتك بتغير فيها  
مواعيدك تتأخر فيها  
تحكىلى أذار واسمعها  
واكتشف انها غش ف غش

أنا اسامح الدنيا بحالها  
واقدر أنسى إِلا الكذب  
لو شايف إن دا شىء هين  
يبقى انت ما تعرفش تحب!



## ورق التوت

بكتبلك على ورق التوت  
واتمناك على بالى تفوت  
واما القطر يصفرّ توت  
يتهيألى انك هتعود

قُلتلى جاى قوام صدقتك  
زى الهوا اليوم بيفوت  
خليه يسافر لازم راجع  
آهى مرّة ولا حد يموت

إستنيّتك يوم والتانى  
لما خلاص هيجن جنانى  
أسأل عقلى بيطمّنى  
قلبى يقوللى مش هتعود!



## آخر حب

إسمعى منى يا روحى كلام لازم اقولوك  
أصلى صريح وما عنديش وقت أبدا أخبى  
قلبى الغالى عندى أمانة وشايلهولك  
يا كل سمايا وعمرى ولىلى وشمسى وأرضى

مافتكرىش إنك يا حبيبتى أول حب  
ييجى يدق بخفة ورقة على باب قلبى  
مافتكرىش إن انا بنسى بسرعة الود  
ياما خيال مر عليا وعلم عندى

إنتى كمان من حقك قلبى تكونى حبيتى  
ماقدرش ادى لنفسى حقوق وانكرها عليكى  
ماهو من هنا نسيتى ما قلبى واخترتينى  
ماهو من هنا بشوف الصدق فى ضى عنيكى

اللى يقولك إنه مثالى صحيح كداب  
مين فى الدنيا ينسى حلاوة أول حب  
بس فهمت لما كبرت ف حزن الدنيا  
واتعلمت أوهب روحى لآخر حب



## يا ريت

يا ريت كان بإيدى  
يا ريت يا حبيبي  
أشوفك ثوانى  
ولو من بعيد  
طوّلت ف غيابك  
مش طايق بعادك  
واحشنى يا عمرى  
يا حبي الوحيد

وحشنى كلامك  
وحشنى جمالك  
مش قادرة أوصف  
شوقى لغرامك  
دا انا كل نظرة  
بحبك من جديد

يا لياالى مالك  
مش راضية تفوتى  
واقفة وكإنك



مانتش سامعة صوتى  
وانا كل ليلة  
بفُضْل اقول واعيد

يا ريت كان يايدى  
يا ريت يا حبيبى  
أشوفك ثوانى  
ولو من بعيد  
طوّلت ف غيابك  
مش طايق بعادك  
واحشنى يا عمرى  
يا حبى الوحيد



## عيون حبيبي

عيون حبيبي آه يانى  
حاجة مش معقول  
جمالها لخطلى كيانى  
مش قادر اقول

يا عيون حزينه وجراحة  
أنا قلبى خفيف  
إزاي هشوف تانى الراحة  
والنوم تخاطيف

يادى العيون اللى بتنده  
لليالى الشوق  
وغاوية تتشاقى وتدبح  
من غير ولا صوت

البحر شايل فى رموشه  
كل الأسرار  
والنظرة تهمس للجنة  
تئيد فيها النار



الشمس تجرى ورا عيونه  
كدا بالمشاوير  
والليل بيضحك لجفونه  
النجمة تغير

خلاص أنا مش قادر اصبر  
كدا والله حرام  
يا مين يقولله انى بحبه  
والحب مرار



## يرضيك يا قلبي

يرضيك يا قلبي

أَتعب وأخبي

عنه مشاعري

تقوم انت برضه

تيجي من ورايا

تاخذ عنيّا

تتفقوا عليّا

تقولوله إوعى

تصدق كلامها

إسألنا إحنا

وحياتك انت

بتحبك انت..

يا قلبي قوللله

أنا أصلى تايهة

جوايا خايفة

أعيش لحظة ألم

وواحدة واحدة

هرجع لنفسى



نسيان حياتنا  
مش جرة قلم  
يا رب يفهم  
كلام عنيا  
يا حبيبي آيوه  
وحياتك انت  
بحبك انت



## أول حب

آن الآوان افتح جوايا  
كل بيان قلبى وبرضايا  
بعترف ان انا جدّا خالص  
غرقانة وف عز هوايا

آن الآوان تعرف وتقدر  
إنى بحبك زيڪ واكثر  
ولا كنت اقصد أبدا اخبى  
ولا غاوية انك تجرى ورايا

إنت عرفت كثير قبلّا  
ودا أول حب ف ليالّا  
أعذرني عشان ماتعودتش  
حد يشارك قلبى معايا

كنت زمان أحلامى كتار  
أجرى واعوم ضد التيار  
بس خلاص من بعد ما شوفتك  
بطلت احلم وانت معايا



## ممنوع

آدينى اهو جيتلك يا حبيبى  
جيت اشرحلك كل ظروفى  
من أولها بقول يا نصيبى  
أنا ليّا فى الحب شروطى

ممنوع ثانية تغيبها عليّا  
أو تتأخر يوم يا عنيا  
إوعدنى انك تفضل جنبى  
تحمينى من نفسى وخوفى

ممنوع أى خصام أو غيرة  
نتعاب من غير تكشيرة  
والضحكة م القلب كبيرة  
وانا اشيلك على طرف رموشى

أنا بتكلم جد الجد  
أنا أصلى صريح أوى واتحب  
شدنى قاللى قوم اخطفنى  
قبل ما اكمل كل شروطى



## بعترفلك

بعترفلك يا حبيبي إن انا  
حييتك انت بكل عمرى إنما  
محتاجالك بس مش ممكن أقول  
كبريائى.. خوفى.. مش قادرة أقول  
يجرى إيه لو كنت قلت انى بحبك  
كان زمانى خدت م الدنيا نصيبي

بعتذرلك يا حبيبي إن انا  
تهت ضعت جوا روحي إنما  
كنت خايفة يا حبيبي لانجرح  
ما انت عارف عمر قلبي يوم فرح  
يجرى إيه لو ناديت عليك بصوتى  
كان زمانى صالحنى تانى يا حبيبي

لحد يوم مابقتش قادرة خلاص اخبى  
لو بحور الدنيا تمنعنى هعدى  
والتقيت عنيك بتحضن واحدة غيرى  
بعد إيه فكرت انادى عليك يا طيرى  
بعترفلك إن انا حبيتك يا حبيبي  
بعترفلك إن انا ضيعتك وبإيدى



## قلت لا

من كل قلبى برِّفُض وجودك  
مابقاش فاضلك فى القلب دقة  
من كل قلبى إسمعها منى  
مش قادرة اسامحك قلت لا

كان شىء جدًّا صعب عليك  
تبنيلى بيت حب ودفا  
يعنى ببساطة كان كل أملى  
نعيش يا دوب لحظة صفا

خلاص يا قلبى أرجوك ساعدنى  
لا عايزة اعاتبك و لا تعاتبنى  
مش كل مرّة هغيش روحى  
كفاية مرّة.. قلت لا



## طَبِّ اَعْمَلْ اِيَه

طَبِّ اَعْمَلْ اِيَه وَحَبِيْبِي يَا نَاس  
بِقَالِه سَنِيْن غَايِب عَنِي  
بَعَثْ كَثِيْر وَفَلْتْ كَثِيْر  
مَاهَانَش عَلِيَه يَطْمَنِّي

بِكَلِّمْ صَوْرَتِه يَامَا كَثِيْر  
وَبِحْكِيْلَهَا عَلِيْ حَالِي  
أَنَا عَقْلِيْ خَلَاصْ هِيْطِيْر  
وَهِيْ تَقُوْلْ وَاَنَا مَالِيْ!

حَاوَلْتْ اَعْضَبْ وَاصْدُ هَوَاهُ  
أَلَاقِيْ خِيَالِه يَضْحَكْلِيْ  
عَنِيْدْ جَدَا غَلَبْتْ مَعَاهُ  
مَفِيْشْ مَرَّةٌ كَدَا اِشْتَاقْلِيْ!!؟

طَبِّ اَعْمَلْ اِيَه وَحَبِيْبِي يَا نَاس  
بِقَالِه زَمَانْ غَايِبْ عَنِيْ  
يَا خَوْفِيْ يَتُوْهْ فِيْ وَسْطِ النَّاسِ  
وَيَنْسَانِيْ يَضِيْعْ مَنِيْ



## أما نشوف

إرسی علی بر ورّیحنی  
یا تفارق یا تبوح بهواک  
أیوه تاعبنی بس عاجبنی  
وماشوفتش زیك بالذات

الذنب ذنب عنیک فتنّلی  
علی حب ف قلبک وقالّلی  
أنا بس مابعرفش أعبر  
وحیاتک جوا یا ملاک

وانا لو سیبتک کدا بطریقّک  
هفضل طول عمری استناک  
هو تحدی صریح یا انا یا انت  
واما نشوف آخرتها معاک!!!!!!



## أطلب نمرتي

بقالي ساعتين

وفوقها يومين

بستني حبيبي

اطلب نمرتي

وانا اجيب شنتتي

ويا سنيني

وهنيجي ماشيين

راكبين طايرين

بس ناديني

حافظ نمرتي

ولّا محبتي

قلّت وناسيني

كلمني قوام

مش عارفة أنا

أنا وحنيني



اتصل احكى  
واسمع ضحكى  
يا جميل ولاغينى

نفسى تقوللى  
يا وردى وفلى  
إنتى وحشتينى



## بقى كدا يرضيك

بقى كدا يرضيك يا حبيبى  
يشمت فينا العزال  
ليه شاغل نفسك بيهم  
مالنا باللى بينقال

يقولوا شارية حبك لأ  
طب ازاي قلبى رق ودق  
دا عمره ما سمح لحد  
يشاغله حتى فى الخيال

يقولوا عيونها تستاهل  
وصعب عليها تتنازل  
وانا اللى قلبى مهما شاف  
فراقك ما خطر ع البال

يقولوا صوتها زى السحر  
وغدارة كموج البحر  
غدرت بمين دا انا روحى  
بريئة زى طير رحال



يقولوا طب وانا مالى  
دا حبك عندى شىء غالى  
تصدقنى.. تكذبنى  
ماعنديش شىء خلاص ينقال



## كان لازم

وأخيرا أنا خدت قرار  
مرّة ف عمرى نويت اختار  
مش هرجعلك تانى كفاية  
ولا هلمح روحك فى مراية

جواك إنت بقيت مسجون  
وكرهت الحرية عشائك  
وف قلبك بروزت الكون  
ورميت عمرى ف حضن غرامك  
أنا نفّسى قلت انا مجنون!!

أنا أسف أنا خدت قرار  
مش عايز أسمع أعدار  
مش هرجعلك تانى كفاية  
مش عايز اشوفك جوايا  
كان لازم يا حبيبي اختار



## من أول جديد

هو احنا لما كنا هناك  
والشباك جنب الشباك  
مش كنا قلنا ان احنا خلاص  
نسينا كل خصامنا خلاص  
طيب ليه راجع دلوقتي  
تفتح جرح قديم وبعيد

مايهمش كان مين غلطان  
ما كفاية قلبنا فرحان  
أنا عن نفسي نسيت امبارح  
وحياتك لا تقول ولا اعيد

دا انا هدبك أعلى ما عندي  
هكتب إسمك على باب قلبي  
سيبك مالأحزان خلينا  
نبدأ من أول جديد



## أنا إيه ذنبى

أعمل إيه علشان ارضيك  
لا بتعذرنى ولا بتسمعننى  
ولا قابل حتى تودعننى  
ومادام مش عايز تقابلنى  
قلت اكتبلك ع اللى شاغلنى  
بس افهمنى الله يخليك

بعد عزيزى.. وبعد حبيبى..  
يا حياتى ودنيتى ونصيبى..  
بحبك حب الطير لغناه  
بحبك حب الليل لسماه  
حب غريب ع الدنيا بحالها  
مهما اوصف مش هيكفيك

إنت كمان بتجبنى أكثر  
زى الحب ف قلبى وأكبر  
لكن حيرتك دى بتخنفنى  
مالك بس ومال الماضى  
حب قديم وانتهى ع الفاضى  
سبينى أحبك وافرح بيك



كفاياك بقى أوهام وارجمنى  
وانا إيه ذنبى فى اللى ظلمنى  
يا حبيبى ياللى انت حبيبى  
مش ممكن يرضيك تعذيبى  
أرجوك مش عايزك تخسرنى  
وافتكرا ان انا لسه شاريك



## ولا منك

ولا منك قادر تهواني  
ولا منك عايز تنساني  
إيه آخرتها معاك يا حبيبي  
مش عايز تتكلم ليه؟!

إنت بتنسى معايا عذابك  
ولّا عايزنى هناك على بابك  
أنا نفسى فى الحب تحدد  
أستناك ولاّ اعمل إيه؟؟!!

لو بس تبوحلى بأسرارك  
وكأنى كلمة ف أشعارك  
أنا راضى بشهدك ومرارك  
مش هiyأس لو تعمل إيه



## إنت الخسران

إوعى تفكر يوم اكمنى  
حببتك مش هقدر إنى  
أنسى وإفارق خليك فاك  
إنت اللى بديت تبعد عنى

ياما حلمنا زمان بسنابل  
ورد وشوك.. جنة وشوق  
ياما اتمنيت يوم نتقابل  
سيبت جناحى ياخذنى لفوق

شالنى وطيرنا زى الريح  
زى الطير بيقول تسابيح  
ولا عمرى ف يوم كنت اتخيل  
إن غنايا دا للمجاريح

إوعى تجينى ف يوم ندمان  
وف عز الشوق قال غرقان  
مش هندهلك ولا هفتحك  
باب الجنة زى زمان



أصلى خلاص ما قدرش أكونك  
قلبي بيروى سنين عطشان  
بس ساعتها هقدر اقولك  
شوفت ازاي.. إنت الخسران



## عيد ميلادك

بالذمة دا إسمه كلام  
هنفضى العمر خصام  
راح فين الدفا والشوق  
إزاي تنسى الأحلام

دا انا غيبت يا دوب دقيقتين  
مش ساعة ولا أيام  
دايمًا ظالم إحساسى  
ليه بتزعل بس قوام

يا أعز وأعلى ناسى  
صدقنى فاكرة معادك  
يا حبيبى إنت ناسى  
الليلة عيد ميلادك

لفيت السما والأرض  
على شىء حلو أجيبهولك  
وحياتك ما لقيت أعلى  
من قلبى أقدمهولك



## ليه يا حبيبى

ليه يا حبيبى عايزنى أُخَبِّى  
إن احنا أسعد حبيين  
عايزه اعلنها لكل الدنيا  
أنا قلبى مقسوم نصين

نُص حياتَه رحلة طويلة  
كان فَاكر الدنيا دى ليلة  
مالهاش أول مالهاش آخر  
وف ثانية وقعوا الجناحين

أما النص التانى يا سيدى  
جيت نورته وخذت بإيدى  
نسيتنى الجرح وتعذيبى  
أنا عايزة أقوللك حاجتين

أول حاجة ان انا حبيتك  
والحاجة الثانية انى هويتك  
واعذر قلبى لما يحبك  
مش زيك فى الدنيا اتنين



## الدنيا غيرتنى

الدنيا غيرتنى  
وخلص ما بقتش انا  
الدنيا علمتنى  
أعيش مليون سنة  
بطلت ازعل وأتأثر  
على حاجة صغيرة  
بطلت احزن من قلبى  
أنا لسه صغيرة

يا سلام يا دنيا رايقة  
تاخدى وما بتديش  
العمر يعدى ف ثانية  
وانا لسة يا دوب هعيش  
على مهلك ليه بتجرى  
دى اللحظة قصيرة

والسكة مهما طالت  
مش طالبة غير ميعاد  
مع حلم حياتى وروحى



أَعُوْذُ اللّٰهَ فَا ت  
أَخْذُ أَيَّامِي فِ حِصْنِي  
وَاعِيْشْ مَعَهُمَا جَرِي



## أُكذب على رُوحى

أُكذب على رُوحى  
طب ازای یا رُوحى  
هنساکِ إزای بس  
مهما ادا رى جرو حى  
ولّا اکنم فى رُوحى  
إنت حبیبى وبس

طالت الغیبة یاما  
حتى ولا ابتسامه  
وانا بین آیوة ولّا  
لا أنا مش غلطانة  
بس کمان حیرانة  
یمکن عندک حق

لیه تزعل ویا نا  
وبتعد معانا  
لیکون شغلک حد  
یا نجومى السهرانة  
إحکيله بأمانة  
ع اللى ما عرفوش حد



إزاي انا فى غيابه  
غرقانة فى عذابه  
وقلبي بطلّ دق  
سهرانة على بابه  
يمكن الاقى جوابه  
برضه لاجه ولا رد

يعنى هترجع لينا  
ولّا نسيت أراضينا  
وحلمى خلاص اتهد  
ريّحنا ورسّينا  
فاكرنا ولّا ناسينا  
أنا مش قادرة بجد



## يا ليل

يا ليل احكيه عنى  
عن قلبه اللى ظلمنى  
صدقنى جيت سيرته  
يا حبيبى غصب عنى

كان أول حب زارنى  
والفرحة مش سايعانى  
لكنه كتير جرحنى  
وحلفت ما احب تانى

وف يوم قابلت عنيك  
وحكىلك ع اللى خانى  
يعنى ماخبيتش عليك  
طب ليه بس مخاصمنى

يا ليل قولله يساعدنى  
نتفاهم مش يسيبنى  
يا ليل خد كل صوتى  
قولله انه كتير واجيشنى



## من يومها

عدّ عليّ وقاللى مسافر  
هتفارق ولا حتى كلام  
ورا صوتك أنا بمشى وهاجر  
ودّعتك وف قلبى كلام

واما اتضايق كنت اشكيلك  
وانا ساكت روحى بتحكيلك  
ومجرد ما عنيك تتبسّم  
بنسى انا ليه فى الأصل بجيلك

ولإمتى راح اصبر نفسى  
ولفين المركب هترسى  
وقعت صورته.. قاللى مسافر  
من يومها روحى ما بتنام



## کلمه سر

یا حبیبی یا حیاتی  
یا عذابى و ذکرىاتى  
من زمان انا نفسى اقوللك  
ليك لوحذك كلمه سر

یا حبیبى إنت حبك  
حلم ساكن بين عنيّا  
جد خالص.. صعب خالص..  
بس يعنى مش عليّا  
مهما تبعد عن طريقى  
برضه قلبى هيمنتظر

واما شوقى عليّا نادى  
قلت يالّا مابدهاش  
دى الحياة لحظة سعادة  
نعيشها أو هنروح بلاش  
خد بايدى يا حبیبى  
قبل قلبى ما ينكسر



## مش عارفین

سور ورا سور بنیناه بایدینا  
والدنیا بتضیق فی عنینا  
ودا معناه اینا یا حبیبی  
مش عارفین نفهم بعضینا

لما تصادف اکلم غیرک  
بَلَمْحِ قَلْقِ الدنیا فِ عینک  
إِزای بس تشک فِ حبی  
وتکسر کل الی بنینا

أنا إنسانة حیاتی بسیطة  
دقة قلبی حروف مزیکا  
یعنی کتاب مفتوح قدامک  
لیه تخلّی لیالینا حزینة

یا حبیبی لو وسط آلوف  
صدقنی غیرک ما بشوف  
بس الحب هیعمل إیه  
والخوف جوا بیکبر فینا؟؟!



## بحبك بجد

بحبك حقيقى بحبك بجد  
بحبك بشكل ماعرفوش حد  
يا مين يحس بيا  
بحبى اللى اتولد  
يا مين يطقى شوقى  
يجيبلى منه رد

بحبك وعاشق لآخر مدى  
زى العصفور لقشه  
زى الصوت للصدى  
يا ناس كل ذنبى  
بشوفك بقلبى  
سحابة رقيقة سماها أنا

يا ريت صوتى يوصل  
واللى ف خيالى يحصل  
تحس بغنايا بعقلى اللى شت  
تصبر ف قلبى اللى اتشد شد  
وتسمعها منى وتتأكد انى  
بحبك حقيقى بحبك بجد



## أوفى صديق

يا دنيا مهما قسيتى  
أنا عمري ما اشتكيت  
أيام رُحتى وجيتى  
صابر ولا يوم بكيت

مع إنى قلبى رقيق  
لكن فى الكون جرىء  
واتحمل أى شىء  
إلا خيانة الصديق

مال صاحبى إيه جراه  
شكله مش هو هو  
محتاجله ولا على باله  
قلبه اتغير من جوا  
مدّيتله إيدياً لكن  
سابنى فى وقت ضيق



بقى هى الناس تتغير  
فجأة من غير أسباب  
مش ممكن روحى تسامحك  
خلّيت الذكرى عذاب  
يا خسارة كل ضحكة  
والعشرة والطريق

بعترف انك غشتنى  
وان ملامحك خدعتنى  
خلّيتنى أشك ف قلبى  
وأدور على إيه ذنبى  
طب ليه تتخلّى عنى  
دا انا كنت أوفى صديق!



## عشانك انت

عشانك انت حبيت حياتى  
سامحت روحى وذكرياتى  
رميت ورايا كل اللى عدّى  
ومافضلش غيرك حبيب حياتى

عشانك انت صالحت نفسى  
نسيت جراحى وكل يأسى  
الدنيا اخلوّت فى عنيا  
وحكىتلها كل اللى ف نفسى

سألنى ليه قلبك مقفول  
متاخذ أو خايف قول  
مرّة ف مرّة اطمّن قلبى  
سيبتله روحى كدا على طول



## آيوة صحيح

آيوة صحيح انا قلت بحبك  
وانى بعمرى هحفظ ودك  
لكن بعد اللى انت عملته  
قلبى الغالى مابقاش ملكك

بتغيب كدا من غير أسباب  
وترجع تشكى م الأشواق  
أفضل أجرى واوصل بدرى  
أتاريك ناسى زى عوايدك

شوف كام مرّة حاولت ارضيك  
يمكن أقدر اغيّر فيك  
كل دا ليه وعلشان إيه  
علشان عارف إنى بحبك

وانت يا روحى من نوع تانى  
مابتعرفش تحب أنانى  
من ورا قلبى جاية أقوللك  
إنى خلاص بطلت أحبك



## حبیبی ثقیل

ولإمتی علیک هستیّ  
واحلم بهواک واتمنّی  
إکمنّک یعنی جمیل  
وحبیبی عامللی ثقیل

حکیت قسمتی لاصحابی  
وصّونی أخبّی غرامی  
وأبطلّ سهر اللیل  
واتقل مادام انت ثقیل

سنتین وانا لسة بغّنی  
وغلبت عشان تسمعنّی  
شکلک فی الحبّ بخیل  
هادی بتستنی کثیر

رد وقاللی یا حیاتی  
من صغری بحب لیلاتی  
واتاریه بیحبّنی أكثر  
وکلامه یا عینی قلیل



## غاوى السهر

أجمل ما فيك يا حبيبى  
إنك غاوى السهر  
متصاحب ع الليالى  
ساكن خد القمر

عاشق بقلب جميل  
وبكل الناس مشغول  
عايش عابر سبيل  
تقولش يا ناس عصفور..

لكنى ساعات لوحدى  
بخاف أوى م السهر  
يا تجينى وتفضل جنبى  
يا اطلعك القمر..



## تعبت خلاص

تعبت خلاص ودبت يا ناس  
حبيبي ليه غايب عنى  
سألت عليه قلوب الناس  
قالوا زعلان مخاصمنى

والحكاية هى هى  
غيرة مرة وقسيّة  
حتى لو هتغيب عليّا  
زورنى مرة طمّنى

إنت شمسى وانت ضلى  
إنت كلّك حتة منى  
مش حرام عليك يا روحى  
من روحى تحرمنى؟؟



## قلبك طيب

الله يسامحك يا حبيبي  
ياللى سعادتك تعذيبى  
بتروح وتغيب وتقوللى أكيد  
أنا راجع بكرة قريب  
واستنى واقوللك طيب

الله يسامحك يا جميل  
ياللى عيونك قناديل  
بتاخذنى بعيد وتسيبنى وحيد  
وتقوللى يا عمرى الطيب  
الشط ف قلبى قريب

الله يسامحك يا ملاك  
يا مغلب قلبى معاك  
تفوت ايام وتيجى ايام  
ترجع تقوللى يا طيب  
أنا عارف قلبك طيب



## لا يا حبيبي

لا يا حبيبي مش انت خيالى  
ولا عمر ما طيفك غنالى  
دايما تطلب منى أفسر  
مع ان انا قلت اللى ف بالى

لا انت فاهمنى ولا فاهماك  
ولا عمرى سهرت استناك  
لو حبيتك كنت هقول  
لو مين يزعل طب وانا مالى

الحب دا إحساس مش أمر  
وانا عايزة احكى لآخر العمر  
أعمل إيه إذا كان دا شعورى  
دلوقتنى خلاص ارتاح بالى



## صعب الفراق

مهما كان بين العشاق  
مهما قاسوا عذاب أشواق  
كل شيء ممكن يداوى  
أى حاجة لازم تتساوى  
كل شيء إلا الفراق  
قد إيه صعب الفراق

كل حب فى أوله  
محتاج أمان يكمله  
لا العذاب ولا المرار  
ناس كثير تتحمله

حد شاف عاشق مرتاح؟!  
ولّا عمره ما قاسى جراح؟!!!  
ياما عشنا وياما شوفا  
والليل دايماً آخره صباح



## لحظة جنون

آخرتها إيه وياك يا قلبى  
غلبت اقوللك بعدين معاك  
خايف تحب طب ليه وإنت  
بتزيد فى حيرتى من سكات

عايز تحب ولا يوم تقاسى  
ولا شوق ولا حبيب يخون  
تعووم يا دوب ع الشط راسى  
لا نار بتجرح ولا شجون

يا خوفى لحسن العمر يجرى  
وتعيش كدا دايماً مسجون  
مش كل حاجة بالعقل تمشى  
جرب مرة لحظة جنون



## لو تسامحينى

حبيبتي من فضلك تعاتبينى  
بندم على أيامى وسنينى  
سيبتك وانا مش قد حرمانى  
لكنى محتاجلك تعدّينى

مشكلتى إنى كنت آيوّة عنيد  
قلبك يقرب أمشى منه بعيد  
يمكن عشان ملكتى أيامى  
وكنت خايف يوم لتنسينى

حبيبتي مش قادر اتحمل تخاصمينى  
أهون عليّا لو جرحتينى  
قلبك دموعه شايفها قدامى  
ياريتنى سيبت جناحه يحمينى

دلوقتى عمرى كله نار وعذاب  
صفحة ومقطوعة فى حزن كتاب  
مكتوب عليّا تهجرنى أحلامى  
حبيبتي نفسى لو تسامحينى



## من غيرك

أنا كذا حر اضحك وأغنى  
مش راح اموت لو تبعد عنى  
مش هتأخذ ولا هتأخر  
أنا من غيرك برضه هغنى

حتى ان كنت بغنى لنفسى  
حتى ان كنت بصبر نفسى  
هنسى حنانى وكل كلامى  
ولا إنى أعيش يوم مستنى

خُذ أحلامك من أحلامى  
مش عايز اشوفك فى منامى  
يعنى كفاية نار وعذاب  
سيبنى ف حالى وابعد عنى



## مين الغلطان

قال إيه هو الزعلان!  
قال إيه هو الغضبان!!  
طب عيني ف عينك يا حبيبي  
ونشوف مين الغلطان!!!

كام مرة بستناك  
فى معادك وما بتجيش  
ومنين بتقول بهواك  
وبتوعد مابتوفيش

أضحك واحنا بنتفاهم  
يبقى بيحلالى عذابك  
أسكت واحنا بنتعاتب  
يبقى بفكر فى فراقك

وان مرة أنا ماسألتش  
يبقى القيامة تقوم  
وان جيت اقلق على بعدك  
تقوللى كفاية طنون



مانكرشى ان انت تجنن  
فى وجودك انا بَطْمَن  
لكن بعمائك ديا  
قرّيت خلاص اتجنن

بعد دا كله وزعلان!!  
بعد دا كله وغضبان!!!!  
طب عينى ف عينك يا حبيبي  
ونشوف مين الغلطان؟؟؟!!!



## بقی دا سؤال

إلا بحبك بقی دا سؤال؟؟!!

كان بقی حالى غير الحال

فربّ جنبى وافتح قلبى

هتشوف صورتك جوا عنيا

رجعتنى أفرح بزمانى

خليتنى أسافر فى مكانى

وخلص مش خايف على قلبى

طول ما الشمس ف إيدك جاية

وارجع اقوللك نفس الرد

ولا قبلك ولا بعدك حد

وانا متأكد نفس سؤالك

هسمعه تانى المرة الجاية!



## كمان شوية

أوقات بَرُوح هناك  
واستنّى من سكّات  
أبصّ يمين وشمال  
يمكن فى معادها جايّة  
عقلى يقوللى اتأخرنا  
أقولله كمان شوية  
وأصبر نفسى واسرح  
وافكر فى اللى فات

إزاي فى الليلة ديا  
جيتلك حسب الميعاد  
الشمس رايحة جاية  
والشوق جوايا زاد

مش يمكن أنا جيت بدرى  
وظلمتك من جوايا  
أو يمكن يوم زعلتك  
وتعبتك أوى ويايا



رغم مرور السنين  
جوايا لسة حنين  
بياخدنى بعيد هناك  
واستنى من سكات

أبص يمين وشمال  
والشمس رايحة جاية  
عقلي يقوللى اتأخرنا  
أقولله كمان شوية..



## یا عالم یا بشر

یا عالم یا بشر  
عایز احکیلکم نصیبی  
عایز اشکیلکم حبیبی  
ساب کل دنیا دیا  
ساب کل الجرح لیا  
وراح یسکن القمر

إسأل لیل السهر  
إسأل ورق الشجر  
یا حبیبی أنا بشتاقلک  
زی الصیف للمطر

لا انا عارف جای إمتی  
ولا شایف غیرک انت  
مین یقدر یملک قلبه  
والحب یا ناس قدر



لا ليه معاد ولا صوت  
يا أحلى حياة يا موت  
يا حبيبى إنت فاهم  
ولّا قلبك حجر

مش قادر ع الليالى  
واحترت وداب خيالى  
وانت بعيد زى ما انت  
عايش ويا القمر



## صباح الخير

من زمان دايماً بخاف  
أفتح الباب للهوى  
أصل ياما القلب شاف  
جرح ناس مالوش دوا

آيوه خايف بس يا ريتنى  
مرة أعيش قصة حب  
قلبي يا عالم هيجننى  
طول الليل ع الغاضى يدق

عمرى ما دوقت حلاوة الشوق  
حتى الماضى من غير ذكرى  
كروان ساكت من غير صوت  
عايش وحدى وماليش بكرة

بس امبارح شوفت حبيبي  
إنت وصلت يا وش الخير  
خدنى وقاللى يالاً يا سيدى  
الليل عدّى.. صباح الخير



## يا مركبة

يا مركبة رايحة بعيد  
هاتى معاكى عمر جديد  
لياليه طويلة صافية وجميلة  
أعيشه كله ويا الحبيب

يا مركبة قلبك صغير  
ساعات ينام قلقان متحير  
لكنه هادى وقلبه دافى  
فى عز ليل الخوف بينور

يا مركبة زى القمر  
عايمة على ورق الشجر  
ملهوفة تجرى على كل موجة  
شوق الكمانجة للوتر

يا مركبة شايلة أمانينا  
ودائرة بينا فى كل مدينة  
أحلامنا فيكى وذكرياتنا  
بس اوعى تنسى يوم أسامينا



## إزاي تقدر؟؟!

إزاي تقدر يا حبيبي  
تزعل مني أنا  
إزاي يجيلك قلب  
تحرمني م الهنا

فيه حد عملك حاجة؟  
دا انت الغلطان في حقى!  
خدت ف وشك ومشيت  
وانا دموعى على خدى

بتغير من مين حواليك  
وانا عمرى ما شوفت غيرك  
خلّينى منى ليك  
خلّى قلبك دليلك

وبرضه انت الغضبان  
يا ملاك من السما؟!  
أمرى لله يا حبيبي  
حقك عليّ انا..



## غلطة عمرى

غلطة عمرى الوحيدة  
إنى صدقتك تانى  
غلطة عمرى الكبيرة  
إنى حبيتك تانى

مع إنى أول مرّة  
شوفت معاك العذاب  
مع إنك أول مرّة  
قفلت ف وشى الباب

لكنى بعد ما سيبتك  
لقيتنى وحدى غريبة  
سنين وانا عايشة بحبك  
بتمنى كلمة وحيدة

ولمّا جيتنى تانى  
مع حبى الأولانى  
غصبى عنى سامحتك  
وفرحت بيك من تانى



ورجعت تسييني ليأسى  
وانا بغرق هنا وهناك  
لا انا عارفة اسامح نفسى  
ولا قادرة ف يوم أنساك!



## لَقِيتَ نَفْسِي

مالك يا حبيبي مالك  
تاعبني ليه وياك  
بالك مشغول في إيه  
وكل الدنيا معاك

خايف في يوم أسيبك؟  
إزاي وأنا حبيبيك  
مش ممكن أبدًا يحصل  
وأنا قلبي وروحي فداك

دا مكاني هو مكانك  
وعايش بس عشانك  
يمكن نتعاب مرة  
لكنه عتاب أحباب

صوتك يا كل الدنيا  
مالي عليا الدنيا  
دا انا حبيبتك علشان  
لقيت روحي جواك



## فيه كذا؟؟!!

مش معقول فى الدنيا ديّا  
حدّ فى أوصافك يا جميل  
دا انت هدية ربنا ليّا  
وماالكشى فى الحب مثيل

من غير ما اطلب حاسس بيّا  
عز الزحمة بلاقى ايديك  
قلبك أبيض صافى النية  
طيبة الدنيا جوا عنيك

صوتك ناعم عقلك فاهم  
متونس بالناس حواليك  
ورد الدنيا يسيب الجنة  
ويقولك شببك لبيك

يا سلام لما بشوفك جنبى  
يا سلام ع الإحساس بالرضا  
تعرف إنى بحسد نفسى  
فيه زيك فى الدنيا كذا؟؟!!



## كل شيء بأوان

مشيت في كل العالم  
سافرت كثير لقيت  
قلبي تعب م الوحدة  
بيدورله على بيت

نفسه يلاقى حبيب  
يشيل الجمل معاه  
مش عايز غير طبيب  
يقفل جرحه جواه

مفيش حاجة تستاهل  
كفاية كدا أحزان  
ما هو كل شيء له آخر  
وانا محتاج للأمان

أنا قلبي شاف كثير  
كبر قبل الأوان  
لكن ما بيدى حيلة  
كل شيء بأوان



مش فاهم ليه الدنيا  
مش عايزة ترضى عنى  
حرمانى كل حاجة  
مش عارف ليه الدنيا  
دائماً تستخسر فيّ  
ولو لحظة سعادة

مع إنى إنسان عادى  
ونفسى أعيش مبسوط  
حزين وكل أملى  
يادوب لحظة هدوء

ولحد إمتى يا دنيا  
أيامى منى تفوت  
أنا خايف ورقى يدبل  
خايف من بكرة موت..



## غصبٍ عنى

بقى مش عارف إنى بحبك  
وانى ماقدرش على بعادك  
بقى مش عارف إنك عمرى  
وروحى ماتتحمّلىش غيابك

طول اليوم بحلم بلباك  
والساعة مش راضية تعدّى  
وانا م الصبح بستناك  
وظنّونى بتجيب وتودّى

وحياتى عندك إياك تانى  
ثانية تتأخرها عليّا  
غصبٍ عنى قلبى أنانى  
علشان إنت كل ما ليّا..



## مش عارفاك؟؟

قوللى يا حبيبى مالك؟  
شكلك متغير ليه؟؟  
مش عارفة إيه جراك  
مش عارفة اعملك إيه!

دائمًا عنيك سرحانة  
وانا عاملة مش شايفاك  
أتكلم مش سامعنى  
أنا مابقتشى فاهماك

إزاي اسيبك تتألم  
وتعيش وحدك فى النار  
ليه مش راضى تحكىلى  
من إمتى فيه أسرار!

بتبقى بين إيديا  
لكنك واحد تانى  
أنا واقفة هناك ع البر  
وانت فى بحر تانى



يا ريت تريّج بالى  
وتشركنى وياك  
بصراحة بينى وبينك  
أنا ما بقتشى عارفك



## حرام عليّا!!

طب بس كمان شوية  
خليك قاعد شوية  
ما هو انا لو سيبتك تمشى  
دا ييقى حرام عليّا!

دا انا كل فين وفيين  
لما الفرصة بتجيني  
يا حبيبي بقالى زمان  
بحبك وانت ناسيني

أنا لما بشوفك جنبى  
بحب الدنيا واطير  
ولما تغيب من جنبى  
بيرجع قلبى فقير

خلّيك قريب من رمشى  
عايز احضنك بعنيا  
مستعجل ليه وعلى إيه؟!  
إستنى كمان شوية



## مش قادر اغنى

طول الليل سهران بدور  
على نغمة هربانة منى  
حاسس إن انا قلبى منور  
من يوم جارى ما سكن جنبى

عايز اغنى لكن مش قادر  
قلبى مشغول خالص عنى  
إسمى إيه أنا مش فاكـر  
هو انا أصلاً كنت بغنى؟!!!

يظهر إنى بحب جديد  
والله أعلم قلبى اختار  
الليل عندى مالهوش آخر  
شمسى مش لقيالها نهار

حرّك قلبى زى النسمة  
مش عارف فيه إيه واخذنى  
أول مرّة أشوف النجمة  
سايبة سماها ونازلة تجرى



أقفل ولاّ افتحله الباب  
يادى العُلب اللى انا فيه ياربى  
ما انا كنت ف حالى مرتاح  
أنا اللى جييت دا كله لنفسى!



## زعلان

زعلان منك يا زمانى  
ومخاصمك مش هتكلم  
ولا حتى بينى وبينك  
ولا عمرى ف يوم هسلم

ولا هفتن على أسرارى  
ولا هفتح باب أفكارى  
بقى كدا تاخذ حبيبى  
وتفوتنى غريب فى دارى

مايهونش عليك تسيب  
حبيين من غير فراق  
بتدور على السعادة  
وبتخليها عذاب

كان ليا حبيب زمان  
بيضمنى ليه بحنان  
دلوقتى خلاص مش فارقة  
فى الصيف والشتا بردان



## فوق احتمالى

متعود كل يوم  
تعدّي من هنا  
أتكلّم مهما أتكلّم  
وتملّى مش هنا

لو فاهم كان كفاية  
نظرة عين من غير سؤال  
كل أملى وكل منايا  
حب حقيقى مش خيال

قلبك ناشف طبعك قاسى  
صعب صحيح حتى فى أحلامك  
مع إن انت أهلى وناسى  
بنسى روحى وانا قدامك

جاي دلوقتى بس تفضفض  
بعد ما هدّيت كل آمالى  
أنا متأسف أنا مش هقدر  
حبك شىء فوق احتمالى..



## مكتوب

جرح القلوب مكتوب  
يفضل جوانا سنين  
وكل مجروح فينا  
محروم من الآنين

عايش فى الذكريات  
يتندّم بالساعات  
لا عنده بكرة جاي  
مادام الجرح حى  
والقلب مخبى حاجات

نار قسوة الغريب  
ليها بداية وحكاية  
إلا ظلم الحبيب  
عمره ما يوم يطيب  
عذاب مالوش نهاية



يسيب بصمة وعلامة  
تختم باب القلوب  
لا تدوب مع الأيام  
ولا ينفع فيها كلام  
فين صبرك يا أيوب!



## أبدأ منين؟!!!

أبدأ حكايتي منين؟  
لازم اختار الكلام  
ماعرفش حصللى إيه؟  
هرب منى الكلام

فكرت اصارحك لكن  
لسانى مربوط مش راضى  
فكرت ابعت جواب  
برضه هسيبه فاضى

هو انت فاكر لما  
أسكت وأبعد بعيد  
روحى هتنسى حبك  
واعيش متهنّى سعيد؟!!

أنا عندى حكاية قديمة  
لسة بتأثر فيّا  
وكتير فى وسط الناس  
بشوف نفسى وحديّا



أبدأ منین وازای؟؟  
یا ریت تحس بیّا  
یا سلام لو یقدر حبك  
یصالح قلبی علیّا..



## أُكسِفك ازای؟!!!

أنا قلت كدا م الأول..  
فاكرنى مابحبكشى!  
خايف تتكلم يمكن  
أرفض طلبك موافقشى!!

فاكر مش واخدة بالى  
من كل كلام عينيك  
قربت منك وانت  
هربت واختفيت

يعنى الحكاية إيه؟  
عايزنى انا اللى اقول؟؟  
إذا كان علياً يا سيدى  
أنا مشتاقه على طول

خليك جرىء وحياتى  
وتعالى نشرب شاي  
يعنى لو قلت بحبك  
طيب هكسفك ازای؟!!!



## أهون عليك؟!!!

أهون عليك تخاصمني؟

طيب أنا مصالحاك

أهون عليك تهجرني؟؟

طيب أنا مسامحك

بقي بعد الحب دا كله

كلمة تعكر أيامنا

إزاي وأنا قلبي كله

بيدق عشان أحلامنا

مش عارفة ازاي لسانی

قدر يقول بكرهك...

وانت تصدق جناني؟؟!!!!

دا انا اموت لو كنت اخسرك

اكتب شكواك قصادي

انشالاً تملا كتاب

بس اكتب بقلم فاضی

أنا ماستحملشي عتاب..



من حقك تزعل منى  
من حقى كمان تسامحنى  
وعشان انا قلبى طيب  
أنا مستنياك تصالحنى!



## من غير مفتاح

قلبي مفتوح للكون  
من غير مفتاح وحجاب  
الجنة تساع مليون  
لكن فين الأحباب..؟

يا مراكب رايحة جاية  
أسألهم مالاقيش حد  
سيبت العنوان ع المية  
يمكن يوصلنى الرد

يا رب بكرة يقرب  
لحسن أنا قلبي داب  
ولإمتى هضيع واتغرب  
شبعث من العذاب!



## هى الساعة كام؟؟

هى الساعة كام؟  
ما حدش شاف حبيبي  
تفتكروا هيوفى بوعده؟؟!!  
أنا وبختى ونصيبى

أنا كنت قبل ما اشوفه  
بنوته مزقطة  
من يوم ما عرفته روحى  
أحوالها ملخطة

مش شايفة حاجه أبدًا  
غير صورته جوا قلبي  
مش سامعة حاجة أبدًا  
غير دقة ساعة حبي

زمان كان قمر الليل  
مش عارف فين مكانى  
لكن دلوقتى حافظ  
تليفون قلبى وعنوانى



هى الساعة كام؟  
يا دنيا ردى عليّا  
هو حبيبي اللى اتأخر  
ولّا انا جيت بدرى شوية؟!



## مش فاهمة!!

أنا مش فاهمة منك حاجة  
توهتنى لخبطت كيانى  
أنا مش طالبة منك حاجة  
بس حياتنا مش عاجبانى

مرة تغازل بكل رقة  
بعدين تقلب ربح وعواصف  
من غير لزمة تثور من كلمة  
بعديها تغرقنى عواطف!

حتى الهمسة مابتعديش  
مالك بس تقوللى ماليش  
وانا قربت أزهدق منك  
ما هو يا تسيبنى يا ماتسيبنيش

لا انا قادرة أعيش يوم من غيرك  
ولا عارفة أفرح بلفاك!  
مع إن الضحكة على شفايفك  
بتشيل م الورد الأشواك



غصبي عنى لسة بحبك  
بس ناقصلى كلمة معاك..  
قبل ما كنت تسيبنى أحبك  
كنت تقوللى ازاي انساك!



## متأخر أوى

جيت متأخر أوى  
بعد ما قلبى تاب  
بعد ما جرحى قوى  
وقدرت ع العذاب

ما هو مش ممكن هفضل عايش  
بس أفكر مين غلطان  
أنا دلوقتى خلاص مش خايف  
أرجع تانى زى زمان

عشت معاك حكاية طويلة  
إنت نهيتها قبل آوانها  
إستينتك.. إترجيتك  
وانت اخترت تسيب الجنة!

ما تجيش دلوقتى تحاسبنى  
مش من حقك تبكى عليّا  
لا عايز اعاتبك ولا تعاتبنى  
ما خلاص أنا فتّحت عنيّا..



## تلات كلمات!

عندى تلات كلمات وبس  
إفهمهم وارميهم البحر  
أنا مجنون بحُبِّك بس  
وانت وقلبك زى الصخر

مش عايز تفهم وظالمنى  
وانا صوتى رايح وياك  
مستخسر كلمة تطمّنى  
أنا كان إيه شبكنى معاك!

إدّلع على كيفك ماشى  
بكره هتعرف قيمتى يا سيدى  
أنا حذرتك خليك شاهد  
ذنبنى فى رقبتك يا حبيبى



## من دلوقتى..

كان نفسى أروح وياك  
بدال ما تسافر وحدك  
يا ريت تاخذنى معاك  
أعيش ازاي من بعدك!

أول مرة شوفتك فيها  
خطفت عينى وقلبى وروحي  
آخر مرة بشوفك فيها  
هسيب معاك تذكّار جروحي

من دلوقتى لحد ما تيجى  
ولا فيه شروق ولا فيه غروب  
هطلع ازق الشمس بإيدى  
يمكن ليل البعد يدوب

قصاد عنيّا وبرضه واحشنى  
كتير عليّا تغيب يومين  
بس احسبها قبل ما تمشى  
عمرنا واحد مش عميرين!



## ربنا يهديك!

يا حبيبى ربنا يهديك  
كل شوية هشيل الهم؟؟!!  
إهدى يا روحى الله يخليك  
أنا قرّبت خلاص اتجن!

إنت عايزنى صورة مثالية  
للبنات الللى بتحلم بيها  
وأنا لا حورية ولا جنيّة  
أنا إنسانة فيها ما فيها

أسكت لحظة أسرح ساعة  
سبينى على راحتى ف ملكوتى  
مرّة ضعيفة مرّة شجاعة  
ماتعدّش أنفاسى وصوتى!

فى كل حاجة إنت تقرر  
آيوة دا آه آيوة دا لأ  
وأنا بصراحة نَفَسى قصير  
أنا حيلى قرّب يتهد



خدنی علی بعضی یا حبیبی  
واقبلنی من غیر تعدیل  
أنا قلت وخلصت ضمیری  
والدور علی عقلک یا جمیل!



## كل الناس سألونى

أنا كل الناس سألونى  
الحب دا شكله إيه؟؟  
لو ماجاوبتش يلومونى  
وان قلت طب اقول إيه!!

إحساس منش مفهوم ببشاور  
للقلب يرفرف على غفلة  
يلقى حياته بقدره قادر  
تتشقلب من صعبة لسهلة

ضحكته تلمع جوا عنينا  
تتمرحج فى رموش الليل  
حلاوتها تيجى جرى علينا  
من ع الأرض تشيلنا شيل

قبل الحب كانت أيامى  
كل وشوشها شبه بعضيها  
مالهاش طعم قالقه منامى  
برواز صورة أنا منش فيها



كل دا كله قبل ما احبك  
قبل امّا اعرف أنا ليه عايشة  
أول إثبات إنى بحبك  
لما لقيت روحى مش خايفة

وياك أنا إنسانة جديدة  
قمت وقفيت وشديت عودى  
وأخيرا مابقتش وحيدة  
علشانك كسّرت قيودى



## فوق ما تتصور!

بحبك فوق ما تتصور  
بحبك بس مش هقدر  
أقول ازاي وامتي وفين  
عشقتك من سنة ويومين  
والثانية بحسبها اتنين  
علشان اشتاقلك أكثر

يا كل الدنيا شايفاني؟  
أنا صالحت أيامي  
وهفتح قلبي واتحرر  
لكن دا كله فايدته إيه؟!  
وكل الشُّعرا يعملوا إيه؟!!  
لساني وروحي كسفوني  
وجريوا عليك وخانوني  
يضحكوا مني يعني اكمنى  
أبدًا مش قادر اعبر



تعرف لماً بتبقى معايا  
الدنيا بتطرح جوايا  
لو هحكى بس عن قلبك  
تتوه الشمس فى حلاوتك  
تستنى معاد قمر الليل  
والاتنين يقعدوا بالليل  
يرقصوا على سلم قلبك  
يتحايلا علياً يزوروك  
وانا عامل نفسى بفكر..

تعرف لماً بتبقى معايا  
كل الدنيا بسيبها ورايا  
هعمل إيه بعمر فات  
ساكت مافيهوش ذكريات  
طب وافتكر الماضى ليه؟!  
مليون عمر هيعملوا إيه?!  
إثبت يا زمان واهدى شوية  
أصلى رجعت طفل صغير  
وخلص مش ناوى أكبر..



## شوفتك فين؟!!

مش عارفة شوفتك فين؟!!

يكونش إحنا جيران

والبيت جنب البيت

والشارع هو الشارع

واحنا نفس العنوان؟

ولّا عيونك السمحة

والضحكة الراقية الحلوة

خلّوني حاسة كإني

روحي بتقرّب مني

وعارفك من زمان؟!!

قلبي من فرحته بيبك

خد بعضه وسافر طاير

سرقلي نجوم الدنيا

وعملّي بيها ضفاير

تحوش عني الأحزان



قلبي من شوقه ليك  
لم ورود البساتين  
زرع فيها المحبة  
وجمعهم ورداية واحدة  
تعوضني الحرمان

كل ما ابص حواليا  
صورتك بتملا عنيا  
طب أهرب منها ازاى  
إذا كنت انا ف أحضانها  
بعرف اغمض وانا م...



## من بعيد

بحبك من بعيد لبعيد  
وعارفة إن بكرة أكيد  
هيجى يوم وتهوانى  
تحس بشوقى وكيانى  
وتعرف إن كل منايا  
أعيش من جوا قلبى أكيد

بشوفك وانت واقف جنبى  
أشاور عقلى يتكلم  
أطمئن روحى لكن قلبى  
خايف منك ليتألم

ما يمكن ليك حبيبة تانية  
وساكنة معاك فى أحلامها  
مش معقولة انا اهد الدنيا  
وأتسبب فى أحزانها!



مليون يمكن مليون جايز  
إرحمنى يا قلبى من النار  
يا تكلمه يا تقول مش عايز  
ونفُضْها سيرة ونقار

لكن تفضل كدا هو بعيد  
أنا إيه ذنبى اسهر ومانامشى  
إتحرك أحسن واللهِ  
أخذ بعضى واسيبك وامشى!!



## ماتعرفنیش

لحد إمتی هتهرب منی  
بُصِّلَى خَلَّى عنیک ف عنیا  
لحد إمتی هتفضل ساکت  
إنت مخبى حاجة علیا

مش عایز تشکی ولا تحکی  
أنا قابل ماتکلمنیش  
أنا مش قادر اشوفک تبکی  
علشان خاطری ماتسینیش

لو فاکر مش هقدر اشیلک  
علشان حضى مایکفیش  
یبقى ازای أنا إسمى حبیبک  
یبقى إنت لسة ماتعرفنیش!

لو عایز تتألم ماشی  
إعمل یا حبیبی مابدالك  
وانا هفضل قاعد مش ماشی  
هستناک تحکیلى مالک..



## خُذْكَ مَكَانِي..

الدنيا سكنت ليه؟!  
راحت فين الأيام  
وحواديت الكلام  
والحب بتاع زمان؟!  
الدنيا جرالها إيه؟!  
غابت فين النجوم  
وشمس كل يوم  
وسكة الأحلام؟!!

اتقفّلت الأبواب  
وبقينا اتنين أغراب  
نظرة واحدة كفاية  
تشرح كل الأسباب

وعود على الهوا  
وجرح مالوش دوا  
أنا ناسى إمتى ضحكنا  
آخر مرة سوا



خَلِّيكْ إنت فى مكانى  
وانا اللى نسيت كلامى..  
تسيبنى ولاّ تحاول  
يمكن تحبنى تانى؟؟!!



## معاك

لما يكون معاك  
بستغرب أوى من نفسى  
لما يكون وياك  
بقول بينى وبين نفسى  
إزاي ما كنتش حاسة  
بحبك من زمان!

الدنيا معاك بتمطر  
شوق وطياية وسماحة  
والفرحة ف قلبى تكبر  
تروى الأيام بالراحة

أوهام الخوف تتبخر  
واحضن حلمى بصراحة  
فى إيديّ الزرع أخضر  
أجمل من مليون واحة



طب ما انا وياك على طول  
روحى ف روحك مشبوكة  
طب أحكى ليه واقول  
وانت أصل الحدوتة؟!

مين قال الجنة راحت  
علشان تفاحة وخلاص؟؟  
دا هى واحدة وراحت  
والباقى وفا وإخلاص..



## تاریخ میلادی

أنا شاب عايش حياتى  
جايبها طول وعرض  
بعمل كل اللى ف نفسى  
من غير قوانين ولا شرط

اللى أبيعه أبيعه  
وارمى كل اللى كان  
واللى افتركه أشيله  
فى جيوب قلب الزمان

لو كان امبارح عدّى  
وفات من بين إيدبّا  
يبقى اللى جاي بكرة  
ممنوع يضيع عليّا

أخاصم ولاّ أصالح  
قلبى يسامح بسهولة  
الدنيا تشيب حواليا  
وهو بيلعب أولى



ماعرفشی مستحیل  
وبحلم حلم عادى  
أنا كل طلعة شمس  
بكتب تاریخ میلادی



## حاجة ناقصانى

بقالى ييجى كام ليلة  
بقالى ييجى كام يوم  
عندى إحساس غريب  
مش سامع أى حاجة  
مش شايف أى حاجة  
وكإنى ف بلد بعيد

مش عارف إيه جوالى  
فيه حاجة أكيد ناقصانى  
والريح عليا شديد

كلمة على طرف لسانى  
مكتومة جوا وخانقانى  
بس هتطلع لمين

يمكن محتاج حبيب  
يملالى فراغ أحلامى  
نمشى سوا الطريق



يشاركنى أسباب فرحى  
وأستأمنه على ضعفى  
ونبنى بيت جديد

لكنى لحد الآن  
مالقتشى حبيب إنسان  
يخطف قلبى الجميل

لو مكتوبلى ألاقىه  
يا رب انا مستننيه  
يا مقربّ البعيد



## لمة إيه؟!!

كلمة إيه اللي انت عايز دى تقولهالى؟  
قصة إيه اللي انت جاي هتكيهاالى؟!!  
قول على راحتك شوف مين يسمع  
غيب على كيفك بكرة هترجع  
هتجيني وتقوللى بحبك  
وساعتها هقولك وانا مالى..

بعد دا كله مش متأكد من إحساسك!  
مانتش حاسس إن انا أقرب من أنفاسك!!  
إنت لوحذك بكرة هتفهم إنك ضيعتنى من إيدك  
وهتيجى تتحايل على قلبى يرضى إنه يكون حبيبك  
بس ساعتها إياك تزعل لما افضل أحتار وأفكر  
ما انا مش لعبة سهلة ف إيدك تكسرهما وتلاقى بدالى!

تعرف أنا فعلاً حبيتك من قلبى وبكل كيانى  
من أول مرة اتكلمنا سيبت معاك فرحى وأحزانى  
من غير تليفون ولا جوابات صوتك بقى محفور جوايا  
صحالى قلبى خلانى اغنى والكون كله يرد ورايا  
شاور عقلك أوى على مهلك انشالاً تروح آخر الدنيا  
لكن لو عايز ترجعلى إنت بتعرف فين مكانى



## حبیت لیه؟؟!

أنا مش عارف حبیت لیه؟  
واشمعنى انتى علشان إيه؟؟  
من يوم ما لقيتك حواليا  
دنيا غريبة شافتها عنيا  
أنا ما بقتشى عارف نفسى  
الله يسامح بنت الإيه!

فجأة بقيت بضحك وسعيد  
زى ما اكون مولود جديد  
ريشة وطائرة بكل براءة  
كل ايامى معاكى عيد

أجرى واعدى حواجز الدنيا  
واجى عندك يتشقلب حالى  
كل الناس ليها ضل واحد  
إلا انتى ميت ضل ف بالى

قبل ما احبك كنت بنام  
بس الحلم بشوفه فاضى  
بعد ما حبيتك ما بنام  
والحلم بشوفه وانا صاحى!



طب وانا اعذب نفسى ليه؟  
واسأل روحى علشان إيه؟؟  
ما كفايه علياً انى عرفت  
أنا مخلوق فى الدنيا ليه..



## إزاي أعرف..

إزاي أعرف إني بحبك  
حب بجد مش إعجاب؟!  
أنا طول عمري بعاملك دايمًا  
واحد من ضمن الأصحاب

أيوه نظراتك مختلفة  
باخد بالي وبعدّ بها  
يمكن معجب حبة زيادة  
بس لقيتك سايق فيها..

النظرات قلبت عبارات  
وأنا مانكرشى كلامك حلو  
والعبارات بقت إشارات  
وكاننا حبيين فى السر

شوفتك واحد بين أصحابي  
وأفضل سامعاك إنت لوحداك  
بس دا برضه يا دوب إعجاب  
مش حاجة تانية خليك عندك



لحد يوم ماجيتش معادك  
حسيت الدنيا بتدبحنى  
يومها اتأكدت إنى بحبك  
وانك يا حبيبى بتوحشنى



## خليك عندك

خليك عندك واسكت خالص  
كلمة زيادة أنا مش ناقص  
إوعى تقول شببك لبيك  
واحمد ربنا إن انا جيت!  
تعرف لو تنده ساعتين  
لو تتحایل سنة ويومين  
أنا روحى منك ع الآخر  
والله ما هرد عليك!!

جاي متأخر وبتتأمر  
لا وحياتك كان غيرك اشطر  
وكمان عامل فيها زعلان  
والمفروض انى اصالح فيك؟!

ما هى غلطتى إن انا حبيت  
صدقت مشاعرى وقاسيت  
وانت يا روحى ولا على بالك  
للدرجة دى انا هنت عليك؟!



ريحنى ووفر أذارك  
أنا بعرف أقرا أفكارك  
لا تقوللى ولا اقولك خلصت  
إبعد عنى الله يخليك..



## عايزين ايه؟؟!

من يوم ما قرينا فتحتنا  
واتحدد ميعاد خطوبتنا  
كل معارفى وكل جيرانى  
اللى هيمسكوا ديل فستانى  
دوشونى بسؤال غريب  
إشمعنى اخترتك بالذات  
علشان افتحلك باب بيتنا

بس ازاي أحل سؤالكو  
إذا كنت انا مش عارفة إجابته  
واحد حاسة معاه بأمان  
وبَعْدُ الثانية عشان اقابله

بحبه كدا لله ف لله  
وبلاقى نفسى بس معاه  
أنا مالى ومال رأى الناس  
أنا بس اللى هعيش وياه



ياما لامونى كل اصحابى  
علشان عايشة ظالمة نفسى  
دلوقتى يا ناس مالكو ومالى  
إخترته وانا حرة ف نفسى

دا إسمه مقدر مكتوب  
واحنا نعيشه بس يا دوب  
ما تخلّى اللى يقول يقول  
ربنا أصله رب قلوب



## أهم درس

من مدة وانا شايفانى  
بتغير من جوايا  
زى ما اكون اتبدلت  
روحي هربانة منى  
مش لاقية خيالى ع الأرض  
ولا نفسى فى المראה

أنا كنت زمان بوزع  
ع الدنيا وفا وحنية  
كنت بعلم أزهارها  
الذوق والإنسانية  
وبعيش بس لغيرى  
يعنى ساذجة ومنسية!!

الله يسامح حبيبى  
كسرنى بالقسية  
بخيل عمره ما قدر  
عذاب دموع عنيّا  
قلبي نشف واتحجر  
زعل منى وعليا



ورغم دا كله لازم  
أعلن فضله عليّا  
علمنى أهم درس  
لكل حياتى الجاية  
علمنى أحب نفسى  
أكثر من الدنيا ديّا!



## حلاوة الحب

وانا مستنى حبيبي  
وقاعد افكر فيه  
رحت اتلفّت حواليا  
وشوقى غالبنى ليه  
لقيتنى مش لوحدى  
اللى الحب مدوخنى  
وعقلى مابقاش فيا

فيه اتنين ع اليمين  
قاعدين.. واقفين..  
رايحين.. جايين..  
هو عيونه فرحانة  
هى إيديها حيرانة  
لسه سنة أولى حب  
على بر مش راسيين

واتنين هنا ع الشمال  
يفرحوا.. يزعلوا..  
يسكتوا.. يضحكوا..  
هو عيونه بتلمع



وهى إيديها بتسمع  
ما هى دى حلاوة الحب  
مساكين وحالهم حال

وورايا اتنين ضايعين  
يصرخوا.. يوعدوا..  
يخلفوا.. يعندوا..  
هو عمال بيهاتى  
وهى تسييه ليلاتى  
والعمر يضيع عليهم  
يا خسارة السنين

كل دا وانا وحدى يا هوى  
قاعد ملهوف بجد  
واقف مكسوف بجد  
أبص فى ساعتى حبة  
واتفرج ع الآحبة  
يادى الحب وسنينه  
كلنا فى الهم سوا



## يا بختكم

أنا بنت ف حالى بسيطة  
بعيش اليوم بيومه  
باخذ من قلبه الحلو  
واسيبله كل همومه  
تشهد عليّ روحى  
وكفوفى المتحنّة  
تشهد عليّ حدودى  
التفاحى الخمرية  
إنى يا فاطمة وزينب  
زيكو بنت مصرية

جدعة وغيورة جدّا  
ريحة عصير بلادى  
مصرية لسابع جدّا  
حكيمّة ف عز شبابى

يمكن بلبس مودرن  
لكن جوايا ببشة  
بتكهرب اللى يقرب  
وتخلّى عيشته عيشة



عيونى ناي حزين  
تتكلم لوحدها  
يتعلق بيها النيل  
يتسربسب فى دمعها

أسمى ع المجروح  
يدوب قوام ويطيب  
وارسمله ف كفى جنة  
مفروشة بجوزة الطيب

ويعرف إمتى أمد  
وإمتى أهدى شوية  
بغزل حبال الود  
وامسك طرفها بايديا

ماشيلشى الهم عمرى  
ماشيلشى ساعة ف إيدى  
إذا كان العمر قصير  
أستعجله ليه يا حبيبى؟!



ماملکشی آی حاجة  
غير بس قلب كبير  
بيسامح قبل ما يغضب  
حلاوته سلسبيل

وانا هو صف ليه ما الوردة  
تربية حضنكم  
فيها سكر كل الدنيا  
يا بختى وبختكم..



## أعمل إيه بالفلوس؟!!!

فيه ناس كتير بتحلم  
يكون معاها فلوس  
يمكن حبة فلوس..  
يمكن جبال فلوس..  
شايفين الدنيا ماكينة  
وهما يا دوب تروس!

أما جنابى بالذات  
بيقولوا عليا مفلس  
من يومى بموت فى الفقر  
مديون وعقلى متربس

ماعرفش اموت فى القرش  
بينى وبينه عداوة  
مش لازم اربى كرش  
واكل واشرب دناوة



عنوان بطاقتى طموح  
لكنى مش طماع  
عايز اوصل للسطوح  
نضيف من غير صدا ع

أحلامى زى الناس  
بسيط مابعد هاش  
نصيبى فى الدنيا ضحكة  
بخطفها مابسيبهاش

وهى العيشة إيه  
غير شنطة أحلام فكة  
واحد هيمان فى حبيته  
وبنت عايزة الواد ده

إسمع منى وصدقنى  
أنا فى الدنيا بروفيسير  
سر السعادة فى جيبي  
وقلبى خط السير



الجنة لا بتباع  
ولا حد بيشتريها  
الفرحة لحظة واحدة  
شغلتنا نمسك فيها



## دنيا جديدة

يا رب كل الناس  
إرزقنى دنيا جديدة  
دنيا أعيشها بإخلاص  
مليانة حب وسكينة

يا رب ارسملى طريقى  
مشينى ف سكة بعيدة  
سكه عنوانها واضح  
لا عذاب ولا خوف ولا حيرة

دوّقنى طعم النور  
طعم النية السليمة  
إفرش م الراحة واحة  
وابدرها سماحة وطيبة

اطرد خوفى من قلبى  
وماتسينيش وحيدة  
الوحدة مرارها قاسى  
مع إنى صبورة عنيدة



يا رب قَرِّبْ حلمي  
نعمك عليّ كثيرة  
باقى من عمري لحظة  
من نفسى أعيشها سعيدة



# المؤلفة في سطور

## د. نهد إبراهيم

مواليد ١/ ١/ ١٩٧١ - القاهرة - مصر

ناقدة مسرحية وسينمائية وأدبية حرة.. شاعرة عامية..  
قاصة.. مترجمة

حاصلة على ليسانس آلسن قسم اللغة الألمانية/الإيطالية -  
جامعة عين شمس - ١٩٩٢

حاصلة على دبلوم الدراسات العليا للنقد الفنى - تقدير  
امتياز - المعهد العالى للنقد الفنى - أكاديمية الفنون - ١٩٩٦

حاصلة على درجة الماجستير فى النقد الأدبى "شخصية  
شهرزاد فى الأدب المصرى المعاصر" - تقدير امتياز - المعهد  
العالى للنقد الفنى - أكاديمية الفنون - ٢٠٠١

حاصلة على درجة الدكتوراه فى النقد الأدبى "أسطورة  
فاوست بين مارلو وجوته والحكيم وباكثير وفتحى رضوان - دراسة  
تحليلية مقارنة" - مع مرتبة الشرف - المعهد العالى للنقد  
الفنى - أكاديمية الفنون - ٢٠٠٦

لها العديد من المقالات والدراسات النقدية المتخصصة فى  
الصحف والمجلات المصرية والعربية

شاركت كعضو لجنة مشاهدة واختيار الأفلام بمهرجانات  
القاهرة والإسكندرية والإسماعيلية السينمائية الدولية

شاركت فى ترجمة وتحرير كتالوجات مهرجانات القاهرة  
والإسكندرية والإسماعيلية وسينما الطفل السينمائية الدولية

شاركت فى إدارة ندوات محلية ودولية بالمهرجانات المختلفة  
والمجلس الأعلى للثقافة ومكتبة الإسكندرية



شاركت كعضو لجنة تحكيم النقاد بمهرجان الإسماعيلية  
الدولى للأفلام التسجيلية والقصيرة/ممثلة لجمعية نقاد السينما  
المصريين - ٢٠٠٢

مثلت مصر فى لجنة تحكيم النقاد الدولية بمهرجان لوكارنو  
السينمائى الدولى / ممثلة للاتحاد الدولى للنقاد/FIPRESCI -  
٢٠٠٣

شاركت كعضو لجنة تحكيم بمسابقة الأفلام التسجيلية  
والروائية القصيرة والتحرك بالمهرجان القومى للسينما المصرية  
عام ٢٠١٣.

شاركت كعضو لجنة تحكيم بمسابقة الأفلام الروائية الطويلة  
بالمهرجان القومى للسينما المصرية عام ٢٠١٧.

## عضو فى

- \* جمعية نقاد السينما المصريين "E.F.C.A" التابعة للاتحاد  
الدولى لنقاد السينما "FIPRESCI"
- \* جمعية كتاب ونقاد السينما المصريين
- \* اتحاد كتاب مصر

## صدر لها

- \* **"دراما بلا حدود"** عن السيناريسست المصرى عبد الحى  
أديب - إصدارات المهرجان القومى للسينما المصرية - ٢٠٠٠
- \* ديوان شعر عامية **"كلام أغانى...!!؟"** - دار النيل - ٢٠٠٤
- \* ديوان شعر عامية **"شكلى مش زى الصورة"** - إصدارات  
مركز الحضارة العربية - ٢٠٠٥
- \* **"شهرزاد فى الأدب المصرى المعاصر"** - إصدارات  
الهيئة العامة لقصور الثقافة - سلسلة كتابات نقدية - ٢٠٠٥



\* تحرير وتقديم كتاب **"عناكب فى المصيدة/ ثلاث روايات روسية"** - المشروع القومى للترجمة - إصدارات المجلس الأعلى للثقافة - ٢٠٠٥

\* تحرير وتقديم الرواية الروسية **"موزاييك الحب والموت"** - المشروع القومى للترجمة - إصدارات المجلس الأعلى للثقافة - ٢٠٠٦

\* تحرير وتقديم **"كراسة مصر/ روايتان روسيتان"** - المشروع القومى للترجمة - إصدارات المجلس الأعلى للثقافة - ٢٠٠٦

\* **"توفيق الحكيم من المسرح إلى السينما"** - إصدارات الهيئة العامة لقصور الثقافة - سلسلة آفاق السينما - رقم ٤٩ - ٢٠٠٦

\* ديوان شعر عامية **"تفرج يا سلام"** - إصدارات الهيئة المصرية العامة للكتاب - ٢٠٠٧

\* **"أسطورة فاوست بين مارلو وجوته والحكيم وباكثير وفتحي رضوان"** - إصدارات المجلس الأعلى للثقافة - ٢٠٠٩

\* ترجمة وتقديم كتاب **"المخرجون - كلايت أول مرة"** - إصدارات المركز القومى للترجمة - ١٥٩٦ - ٢٠١٠

\* ديوان شعر عامية **"فى بيتنا شجر التوت"** - ٢٠١٢

\* المجموعة القصصية **"الكونت دى مونت شفيقه"** - ٢٠١٢

\* ديوان شعر عامية **"كل كلام الأغاني"** - إصدارات مركز الحضارة العربية - ٢٠١٤

\* ديوان شعر عامية **"يقولوا عليا حمار!!!"** - إصدارات مركز الحضارة العربية - ٢٠١٤

\* ترجمة **"تحت مقص الرقيب"** - إصدارات المركز القومى للترجمة - رقم ٢٠٢٨ - ٢٠١٤

\* **"قراءات نقدية فى العروض المسرحية"** - إصدارات مركز الحضارة العربية - ٢٠١٤



\* **"سينما حول العالم"** - إصدارات دار العلوم للنشر والتوزيع  
٢٠١٥ -

\* **"دراسات سينمائية متنوعة"** - إصدارات دار العلوم للنشر  
والتوزيع - ٢٠١٥

\* ديوان شعر عامية **"عيشة تسد النفس"** - إصدارات دار  
العلوم للنشر والتوزيع - ٢٠١٥

\* **"موسوعة النقد السينمائي - تشكيل الوعي عبر  
القوى الناعمة"** - ٦ أجزاء - تجليد فنى - ٣٢٢٨ صفحة -  
١٠٤٦ مقال - مقاس ١٧ سم × ٢٤ سم - إصدارات دار العلوم  
للنشر والتوزيع - ٢٠١٦

\* **"قراءات نقدية في العروض المسرحية - تشكيل  
الوعي عبر القوى الناعمة"** - الطبعة الثانية - تجليد فنى -  
إصدارات دار العلوم للنشر والتوزيع - ٢٠١٦

\* **"استلهام شخصية شهرزاد في السينما  
المصرية"** - المجلس الأعلى للثقافة - ٢٠١٧

\* ديوان شعر عامية **"فى بيتنا شجر التوت"** - الطبعة  
الثانية - إصدارات دار العلوم للنشر والتوزيع - ٢٠١٨

\* ديوان شعر عامية **"يقولوا عليًا حمار"** - الطبعة الثانية -  
إصدارات دار العلوم للنشر والتوزيع - ٢٠١٨

\* ديوان شعر عامية **"شكلى مش زى الصورة"** - الطبعة  
الثانية - إصدارات دار العلوم للنشر والتوزيع - ٢٠١٨

\* مجموعة قصصية **"الكونت دى مونت شفيقه"** -  
الطبعة الثانية - إصدارات دار العلوم للنشر والتوزيع - ٢٠١٨

\* سيناريو روائى **"دورى مى"** - إصدارات دار العلوم للنشر  
والتوزيع - ٢٠١٨



**## جذبت معظم إصداراتها انتباه قمم الجامعات الأمريكية الراقية لتحفظ بها فى مكتباتها مع نجاحات أخرى عربية ودولية.**

**تتضمن قائمة هذه الجامعات المرموقة:**

**هارفارد - ييل - أوهايو - برينستون - ستانفورد - كاليفورنيا، بيركلى - كاليفورنيا، لوس أنجلوس - كولومبيا - تكساس أوستن - إنديانا - بنسلفانيا - أيوا - واشنطن - نيويورك - براون - ديوك - متشيجان فى الولايات المتحدة الأمريكية**

**الجامعة الأمريكية بالقاهرة - الجامعة الأمريكية فى بيروت**

**جامعة بامبرج بألمانيا - جامعة مارتن لوتر بألمانيا**

**# فى بداياتها ظلت تكتب شهورا طويلة مقالات نقدية سينمائية بمجلة الكواكب المصرية بامضاء "الأنسة كاف"**

**جوائز**

**\* فازت المجموعة القصصية "الكونت دي مونت شفيقه" بجائزة أفضل مجموعة قصصية ٢٠١٢/٢٠١٣ ضمن جوائز اتحاد كتاب مصر**

**البريد الإلكتروني: [nihadibrahim30@yahoo.com](mailto:nihadibrahim30@yahoo.com)**







محتويات الكتاب	رقم الصفحات
إهداء.....	٣
كلمة.....	٤
نفس الشارع.....	٦
ساعة رضا.....	٧
إلا الكذب.....	٨
ورق التوت.....	٩
آخر حب.....	١٠
يا ريت.....	١١
عيون حبيبي.....	١٣
يرضيك يا قلبي.....	١٥
أول حب.....	١٧
ممنوع.....	١٨
بعترفلك.....	١٩
قلت لآ.....	٢٠
طب اعمل إيه.....	٢١
أما نشوف.....	٢٢
أطلب نمرتى.....	٢٣
بقى كدا يرضيك.....	٢٥



٢٧	..... كان لازم.
٢٨	..... من أول و جديد.
٢٩	..... أنا إيه ذنبى.
٣١	..... ولا منك.
٣٢	..... إنت الخسران.
٣٤	..... عيد ميلادك.
٣٥	..... ليه يا حبيبى.
٣٦	..... الدنيا غيرتنى.
٣٨	..... أكذب على روحى.
٤٠	..... يا ليل.
٤١	..... من يومها.
٤٢	..... كلمه سر.
٤٣	..... مش عارفين.
٤٤	..... بحبك بجد.
٤٥	..... أوفى صديق.
٤٧	..... عشانك انت.
٤٨	..... آيوة صحيح.
٤٩	..... حبيبى تقيل.
٥٠	..... غاوى السهر.



٥١	.....تعبت خلاص
٥٢	.....قلبك طيب
٥٣	.....لا يا حبيبي
٥٤	.....صعب الفراق
٥٥	.....لحظة جنون
٥٦	.....لو تسامحيني
٥٧	.....من غيرك
٥٨	.....مين الغلطان
٦٠	.....بقى دا سؤال
٦١	.....كمان شوية
٦٣	.....يا عالم يا بشر
٦٥	.....صباح الخير
٦٦	.....يا مركبة
٦٧	.....إزاي تقدر؟؟!
٦٨	.....غلطة عمرى
٧٠	.....لقيت نفسى
٧١	.....فيه كدا؟؟!!
٧٢	.....كل شىء بأوان
٧٤	.....غصبٍ عنى



٧٥	.....مش عارفك؟؟
٧٧	.....حرام عليّا!!
٧٨	.....مش قادر اغنى
٨٠	.....زعلان
٨١	.....فوق احتمالى
٨٢	.....مكتوب
٨٤	.....أبدأ منين؟!!
٨٦	.....أكسفك ازاي؟!!!
٨٧	.....أهون عليك
٨٩	.....من غير مفتاح
٩٠	.....هى الساعة كام؟؟
٩٢	.....مش فاهمة!!
٩٤	.....متأخر أوى
٩٥	.....ثلاث كلمات!
٩٦	.....من دلوقتى
٩٧	.....ربنا يهديك!
٩٩	.....كل الناس سألونى
١٠١	.....فوق ما تتصور!
١٠٣	.....شوفتك فين؟!!



١٠٥	..... من بعيد
١٠٧	..... ماتعرفنيش
١٠٨	..... خلّيك مكانى
١١٠	..... معاك
١١٢	..... تاريخ ميلادى
١١٤	..... حاجة ناقصانى
١١٦	..... لمة إيه؟!؟!
١١٧	..... حبيت ليه؟؟!
١١٩	..... إزاي أعرف
١٢١	..... خليك عندك
١٢٣	..... عايزين إيه؟؟!
١٢٥	..... أهم درس
١٢٧	..... حلاوة الحب
١٢٩	..... يا بختكم
١٣٢	..... أعمل إيه بالفلوس!!!
١٣٥	..... دنيا جديدة
١٣٧	..... المؤلفة في سطور



## يا بختكم

أنا بنت ف حالى بسيطة  
 بعيش اليوم بيومه  
 باخد من قلبه الحلو  
 واسيبله كل همومه  
 تشهد عليا روحى  
 وكفوفى المتحنية  
 تشهد عليا خدودى  
 التفاحى الخمرية  
 انى يا فاطمة وزينب  
 زيكو بنت مصرية



ناقدة مسرحية وسينمائية وأدبية حرة . شاعرة ..  
 قاصة ومترجمة حاصلة على الدكتوراة فى  
 النقد الأدبي ، لها العديد من المقالات والدراسات  
 النقدية المتخصصة فى الصحف والمجلات المصرية والعربية.

